



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum Digestium XII

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

Ad Digestiuum igitur unguentum accedere oportet.
 BRAS. Et hoc est apud medicos, & pharmacopolas in
 constantissimum. SE. Quomodo inconstantissimum?
 BRAS. Quia nullus ferè est pharmacopola, qui illud
 non uariet. SE. Immo rari euariant, nã maxima phar
 macopolarum pars ex uitello oui, & terebinthina con=
 ficit. BRAS. Absq; oleo? SE. Absq; oleo. BRAS.
 Hoc profecto ignorabam. SE. Nunc istud scito, apud
 maximam pharmacopolarum partem cū indicitur un=
 guentum digestiuum uitellū oui accipiunt cum terebin=
 thina etiam absq; ordine, pondere ac mensura, terebin=
 thinaq; ex simplici aqua semper lauant, nisi à medico
 aliud præcipiatur, quod scilicet aqua rosacea, uel aqua
 plätaginis abluatur, aut alia simili ut medico uidebitur
 fieri oportere. BRAS. Mihi displicet rosaceum præ=
 termittere, à multis non seruatur, quia ob oui uitellū diu
 non durat quin putrescat, in hyeme diutius p durare po=
 test, ars exigit ut ita fiat.

Recipe terebinthinae lotæ unc. II.

Vitella ouorum numero. II.

Olei rosacei quantum sufficit.

Misce, & probè iungantur, si uero ulcus calidum esset,
 & de inflammatione timeretur, simplicis rosati loco om=
 phacinum rosatū accipiatur, et terebinthina plätaginis
 aqua lauetur. nonnulli sunt qui ita cõficiunt, ac seruant.

Recipe terebinthinae lotæ unc. I.

Vitella ouorum numero. I.

Farinæ hordei drach. I.

Croci gra. III.

Olei

Olei rosati modicum.

Misce, & seruetur ad usus.

SE. Non mihi displicet eiusmodi digestiuū. BRAS. Alij quòd sequitur seruant, & cum à medicis digestiuū unguentum indicitur, præbent.

Recipe terebinthinæ lotæ cum cretico lib. semis.

Vitella ouorum numero. III.

Farinæ hordei unc. semis.

Croci scrup. I.

Misce, & fiat unguentum.

SE. Non differt hoc unguentum præterquã in lotionem à prædicto. BRAS. Immo differt etiam in oleo, quia oleum nõ adijcit. SE. Dic quo lauant terebinthinam, qui ante hunc relatam conficiunt unguetum? BRAS. Aliàs à me dictum est, cum à medico non dicitur quo lauari debeat terebinthina, semper intelligendum est simplici aqua lauandam. Nonnulli eandem quidem seruant compositionem, sed in pondere differunt, nã accipiunt.

Terebinthinæ lotæ drach. VI.

Croci drach. semis.

Vitella ouorum numero. I.

Miscent probe simul absq; igne, & seruant.

SEN. Cur uino cretico lauant? BRAS. Vt eorum in uulneribus compositis, & ubi adsunt dolores circa neruos uulneratos, uel ob neruos affectos. Immo non tantum digerit, sed etiam mundificat, tamẽ simplicissimum digestiuum ex farina hordei fieri pöt, uitello oui, & oleo rosaceo absq; terebinthina, quæ uim habet etiã abstergendi, & mundificandi. si ulcus factum non sit sed adsit tantum abscessus. Galeni cõpositio plurimum ua-

let ex farina triticea, oleo, et aqua quæ in olla bulliant, quousq; in quandam pultis formam redacta sint. In digestiuo etiam cõm uni si farina uti uoluerim uterer potius farina triticea, quàm hordeacea, quãdo inflammationẽ fieri non timetur. Patuij nonnulli cum terebinthina, et uitello oui mel rosaceum miscent, hicq; de digestiuo unguento finem faciamus.

S E N E X. XIII.

Ergo Mundificatiuum unguentum contemplemur. BRAS. Neq; unguentum hoc satis constans est, quoniam diuersi pharmacopola diuersa seruant unguentorum mundificatiuorũ genera, immo & ad ulcera emundanda utimur & unguento apostolorum, & ægyptiaco uocato unguento, et alijs multis. At tu quod nam seruas pro mundificatiuo unguento in tuo pharmacopolio? SE. Istud seruo quod referã, & semper cum à chirurgo indicitur mundificatiuum unguentum præbeo.

Recipe aloes

Myrrha

Sarcocolla

Terebinthina lib. I.

Mellis rosati colati unc. V.

Misce. BRAS. Alij sunt qui eisdem præcise utuntur simplicibus, sed in pondere uariant, ita enim cõficiunt.

Recipe terebinthinae unc. VI.

Mellis rosati colati lib. I.

Myrrha

Sarcocolla

Aloes

Singul. drach. II.

Misce,